



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Henrici || Svsonis Viri Sanctita-||te, Ervditione Et
Mi-||racvlis Clari, Opera**

Seuse, Heinrich

Coloniae, 1615

Quam fida fuerit Christi paßio. Capvt IV.

urn:nbn:de:hbz:466:1-38029

Christus quid
mortis tuæ
perpeffione
potiffimum
voluerit.

mortis perpeffione hoc potiffimum spectavi & volui, vt me homines imitentur: quanquam & pię lachrymę mihi cum primis acceptę & gratę fint.

MI N. Quandoquidem benigniffime Deus tantopere tibi placet mitiffimę vitę & amantiffimę paflionis tuę imitatio, deinceps maiorem collocabo operam pro viribus feftandę, quàm lamentabiliter deplorandę paflioni tuę. Sed quia vtrunq; tibi placet, doce me, obfecro, qua ratione tuę me paflioni conformare debeam.

Vt fe quis
paflioni Do-
minicę potif-
fimum con-
formet

SAP. Interdicito tibi ipfi voluptate curiofi ac diffoluti adpectūs & auditūs: dulcefcant tibi & placeat ex amore, quod prius ægrę ferebas: corporis oblectamenta respue: in me folo conquiefcas: aliena mala feras fuauiter & moderate: tui contemptum defidera: frange appetitiones tuas, & voluptates omnes ac defideria peffimum preme. Hęc prima funt elementa in fchola Sapientię, quę in patēti & expando crucifixi corporis mei volumine leguntur. Sed hęc vide, obfecro, etiam fi quis omnes intendat neruos fuos, num talem fe mihi præftet, qualis ego illi fuerim.

Sapientię
prima ele-
menta vnde
tumenda, &
quęnam illa
funt.

Quam fida fuerit Chrifti paflio.

CAPVT IV.

MI N. Etiam fi Domine quędam me capiat obliuio præftantię tuę, donorum tuorum, atq; vtilitatis quę nobis accedit ex paflione tua, remq; omnium aliorum, ad huc tamen quiddam me valde permouet, dum vide-

videlicet recta mecum reputo via & diligenter expendo non solum instaurata salutis nostrae modum, sed etiam immensam fidelitatem, cum eodem modo coniunctam. Plerique eiusmodi alij praestant beneficia, ut amor & fides eorum ex ipso gratificandi modo, quam ex collatis muneribus sit manifestior. Et reuera quamuis exiguum munus sepe maiorem habet gratiam, si ex magna fidelitate proficiscatur, quam ingens beneficium, si non eodem modo conferatur. Tua verò beneficentia Domine non solum praecipua est, sed etiam modus illius immensam habet sibi adiunctam fidelitatem. Neque enim mortem duntaxat mea causa perpeffus es, sed etiam quicquid est in amore extremum, absolutissimum & abditissimum siue penitissimum, quo quis possit velle pati, id experijffe. Fecisti nimirum perinde ac si diceres: Perpedite Mortales omnes, fueritne vnquam cor vllum adeo charitate refertum. Et tamen si cuncta membra mea nobilissimum illud fuissent membrum, nempe cor transigi ea & periri, ac secari, & particulatim conteri permissem, me quid in me esset reliquum vobis non impensum, ut vel sic meam possitis agnoscere charitatem. Obsecro Domine, quid tunc animi habuisti, aut quidnam tibi venit in mentem, ut tam dire patereris? Poteras tamen minori negotio nos redimere.

Beneficia
quae quibus
praestantiora.

Charitatis
Diuinae erga
nos, delinca-
tio.

SAP. Nullus vnquam, quanuis aridissima confectus siti, tantoperè perspicuas fontis alicuius suspirauit vndas, neque quisquam iam iamque moriturus, vitae huius perinde optauit luce perfrui, ut ego optaui cunctis peccatoribus
ferre

ferre subsidium, meq; eis amabilem efficere.
 Citiùs quis præterlapsos reuocauerit dies, &
 flores aridos in pristinam reformauerit viri-
 ditatem, cunctasq; è caelo lapsas pluriæ guttas
 collegerit, quam meum erga te aliosque homi-
 nes omnes amorem comprehendat vel dinu-
 meret. Qua re factum est, vt tot ego toto cor-
 pore amoris signa præ me tulerim, vt nec acus
 vnius acies vllam vndique vulneribus confe-
 cti corporis mei particulam pungere porderit,
 quæ non esset peculiari quadam amoris nota
 insignita. En dextram manum clauus transfi-
 xerat, per sinistram itidem clauum adegerant.
 Dexterum brachium dirè intenderant, fini-
 strum crudeliter expanderant. Pedem dextrũ
 clauus perforarat, læuus plagam horribilem
 acceperat. Hærebam cruci ceu planè impotens,
 nimiaq;e cru. ium lassitudine prægrauatus.
 Cuncta membra mea immobiliter ad illud
 crucis ergastulum compressa & adstricta erant.
 Feruidus sanguis meus necessitate compulsus,
 multis locis fortiter erumpebat, totum infici-
 ens siue cruentans & perfundens moribũdum
 corpus meum: quod erat profectũ visu mise-
 rabile. Atque ò rem miserãdam, iuuenile, pul-
 cherrimum, ac floridum corpus meum extra-
 buit, exaruit, expalluit. Dorso tenerrimo du-
 rum erat stratum crucis asperitas. Corpus præ
 pondere suo iugiter deorsum ferebatur. Deni-
 que totum corpus vulneribus & litore con-
 fectum erat. Atque hæc omnia corde a-
 mantissimo placidè fere-
 bam.

Pœnæ Iesu in
 cruce disten-
 si quantæ.